

بِسْمِ اللَّهِ الرَّحْمَنِ الرَّحِيمِ

TALBIYAH

Quand ene Haji passe lor Meeqaat, c'est à ce moment la ki li rentre en etat de Ihraam et la li pour commence lire Talbiyah, Missié à haute voix et madame à voix basse.

لَبَّيْكَ اللَّهُمَّ لَبَّيْكَ
لَبَّيْكَ لَا شَرِيكَ لَكَ لَبَّيْكَ
إِنَّ الْحَمْدَ وَالنَّعْمَةَ لَكَ وَالْمُلْكَ
لَا شَرِيكَ لَكَ

FAÇON FAIRE UMRAH

1. Li recommander pour rentre par Baab-us-Salaam sinon par n'importe ki la porte dans Haraam Shareef.
2. Quand nous trouve Kaaba Shareef, débouter et demande beaucoup Dua car Dua accepter dans sa moment la.
3. Avant commence faire Tawaaf, **bannes missié seulement** pour faire Iztibaa, veut dire passe Ihraam en bas le bras droite et jette li lors z'épaule gauche, en sorte ki z'épaule droite reste découvert.
4. Nous faire niyat pour Tawaaf
5. Nous déboute en face Hajar-e-Aswad et nous leve nous 2 la mains pareille couma nous lever dans Namaz en récitant
بِسْمِ اللَّهِ اللَّهُ أَكْبَرُ وَلِلَّهِ الْحَمْدُ وَالصَّلَاةُ وَالسَّلَامُ عَلَى رَسُولِ اللَّهِ
6. Ensuite nous faire Istilaam, veut dire nous faire signe avec nous 2 plat la main depuis loin et nous embrasse li.
7. Maintenant nous commence faire Tawaaf, **bannes missié seulement** pour faire Ramal dans 3 premier tours. Ramal veut dire faire ene ti galop avec tipti tipti pas et bouge tous les 2 z'épaules et zotte (bannes missié) pour faire Iztibaa dans tous les 7 tours de Tawaaf.
8. A chaque fois nous passe cote Rukn Yamani, nous touche li **SI POSSIBLE** (sans foncer ou pousser)
Note : Li pas Sunnat pour embrasse Rukn Yamani ni pour faire signe avec nous la main si en cas pas fine réussi touche li.
9. A chaque fois nous passe cote Hajar-e-Aswad, nous pour faire Istilaam couma nous fine expliquer dans numero 6.

10. Dans sa façon la, nous termine 7 tours de Tawaaf par faire Istilaam de Hajar-e-Aswad en dernier.

Note : Quand faire Tawaaf, li recommander pour lire 3eme Kalimah et à chaque fois nous passe cote Rukn Yamani, li recommander pour lire

رَبَّنَا إِنَّا فِي الدُّنْيَا حَسَنَةٌ وَفِي الْآخِرَةِ حَسَنَةٌ وَقِنَا عَذَابَ النَّارِ

Sinon nous capave lire bannes les zotte Dua aussi.

11. Quand Tawaaf fini, nous vine cote Multazam ki trouve entre la porte Kaaba et Hajar-e-Aswad pour demande Dua. Mais li presque impossible pour gagne ene place labas **sans pousser ou foncer** dans l'époque Hajj à cause la foule. Donc, nous capave demande Dua impe loin lor Mataaf même, en face Multazam.

12. Ensuite, nous faire 2 Rakaat Namaz Nafil pour Tawaaf de préférence cote Maqaam-e-Ibrahim dans l'heure cote li pas Makrooh pour faire Namaz. Sa aussi, li presque impossible pour gagne place cote Maqaam-e-Ibrahim à cause la foule. Donc, nous capave faire 2 Rakaat Namaz Nafil la n'importe cote sa dans Haraam Shareef.


13. Ensuite nous alle boire de l'eau Zamzam. Li sunnat pour boire de l'eau Zamzam déboute et demande beaucoup Dua.

14. Ensuite nous faire Sa'ee entre Safa et Marwah. Nous monte lor Safa et faire face avec Kaaba et nous leve nous la main pour faire Dua. Après nous desanne, nous alle vers Marwah.

Note : Ena ene boute trajet ki appelle Milayn Akhdarayn (indiqué par 2 la lumière vert) Li recommander pour traverse sa boute trajet la avec ene ti galop pour **bannes missié seulement**. Dans sa façon la, nous faire 7 tours entre Safa et Marwah. Nous pour commence depuis Safa et nous pour termine cote Marwah.

15. Li recommander pour faire 2 Rakaat Namaz Nafil apres avoir faire Sa'ee dans l'heure cote li pas Makrooh pour faire Namaz ; mais li pas obligatoire.

16. En dernier, bannes missié pour faire Halq (Raze la tête) ou soi Taqseer (passe tondeuse) mais meilleur pour raze la tête et bannes madames pour coupe zotte cheveux longueur ene boutle le doigt.
17. Aster, nous Umrah fine terminé et nous capave retire nous Ihraam.



5. JOURS DE HAJJ

1er Jour de Hajj, 8eme Zil Hijjah

8eme Zil Hijjah, c'est jour cote Hajj commencer, c'est sa jour cote bannes Haji pour faire Ghussal, re mette Ihraam dans Makkah et faire l'intention pour Hajj et pour alle Mina en recitant Talbiyah.

Ki bizin faire le 8eme Zil Hijjah?

Li Sunnat pour faire 5 Namaz dans Mina: Zohr, Assar, Maghrib, Esha et lendemain Fajr.

Li Sunnat pour reste engager dans Ibaadat pendant la journée et la nuit aussi. Nous capave faire Tilaawatul Quran, Zikrullah, Dua, Namaz Nafil, Tahajjud et continuer lire Talbiyah. Bizin aussi demande beaucoup pardon avec Allah Taala pour nous bannes pechés.

Note: Beaucoup fois arriver ki nous perdi le temps dans Mina dans faire bannes kitchoses inutiles, nous perdi le temps dans cause causer mondaine et dans marche marcher etc. Shaitaan faire nous croire ki perna aucaine Ibaadat pour faire dans Mina apart batte Shaitaan. Donc, nous bizin pas laisse nous emporter par piege Shaitaan et nous engage nous dans faire maximum Ibaadat dans Mina.

2eme Jour de Hajj, 9eme Zil Hijjah

9eme Zil Hijjah, c'est sa jour cote bannes Haji pour sorti Mina le matin après soleil lever et pour alle Arafaat.

Li obligatoire pour ene Haji présent dans la plaine de Arafaat même pour ene ti moment entre Zawaal et Subah Sadiq pour ki so Hajj li accepter.

Li Sunnah pour quitte Mina après soleil lever et pour rentre Arafaat avant Zawaal.

Ki bizin faire le 9eme Zil Hijjah?

Li Sunnah pour lire sa dua la excessivement pendant ki nous dans Arafaat:

لَا إِلَهَ إِلَّا اللَّهُ وَحْدَهُ لَا شَرِيكَ لَهُ لَهُ الْمُلْكُ وَلَهُ الْحَمْدُ

وَهُوَ عَلَى كُلِّ شَيْءٍ قَدِيرٌ (Tirmizi)

Normalement tous bannes Haji (mauricien), nous reste dans la tente dans Arafaat, donc nous pour faire Namaz Zohr dans so l'heure et Namaz Assar dans so l'heure, **nous pas pour faire les 2 Namaz ensemble** d'après Imam Abu Hanifa.

Wuquf-e-Arafah (moment ki ene Haji bizin dans la plaine d'Arafaat) commencer à partir de Zawaal jusqu'à coucher de Soleil et pendant sa moment la, Li Sunnat pour nous debouter en face Qibla et nous leve nous 2 la main et nous demande dua, nous plorer avec Allah Taala.

Note: Si nous fatiguer, nous capave assizer aussi.

Li recomander pour continuer lire Talbiyah et nous capave faire Tilaawatul Quran aussi.

Li pas recomander pour faire aucaine Namaz Nafil pendant ki nous dans Arafaat parceki Rasulullah S.A.W pas ti faire aucaine Namaz Nafil sa jour la.

Rasulullah S.A.W ti demande dua pendant plusieurs heures pour so Ummat dans la plaine d'Arafaat. Donc, meilleur action pour faire sa jour la, c'est reste engager dans dua et cherche pardon avec Allah Taala pour nous bannes pechés.

Note: Ici aussi nous bizin pas perdi le temps dans bannes kitchoses inutiles et dans cause causer mondaine ou dans marche marcher etc. Nous bizin faire z'effort pour reste engager dans dua.

MUZDALIFA

Après coucher du soleil, li Sunnat pour nous quitte Arafaat sans ki nous faire Namaz Maghrib et nous alle Muzdalifah.

Ki Bizin faire dans Muzdalifah?

Li Sunnat pour faire Maghrib et Esha ensemble quand nous arrive Muzdalifah.

Li Sunnat pour faire beaucoup Dua pendant ki nous passe la nuit dans Muzdalifah.

Li recomander pour faire Namaz Tahajjud et demande Dua avec Allah Taala et reste engager dans Ibaadat et lire Talbiyah.

Li Sunnat pour ramasse 49 roches pour batte Shaitaan dans Muzdalifah, même ki li permettre pour ramasse zotte ene l'autre place aussi.

3eme Jour de Hajj, 10eme Zil Hijjah

10eme Zil Hijjah c'est sa jour cote bannes Haji pour sorti Muzdalifah le matin avant soleil lever et pour retourne dans Mina.

Ki bizin faire 10eme Zil Hijjah?

1. Batte Shaitaan (Grand Jamaraat seulement)
2. Faire Qurbani
3. Faire Halaq (raze la tête)
4. Tawaaf-e-Ziyaarah

Li Waajib pour batte seulement Grand Jamaraat sa jour la avec 7 roches et Talbiyah pour terminer au moment ki nous batte Grand Jamaraat.

Li Sunnat pour batte Grand Jamaraat après soleil lever jusqu'à Zawaal mais li permettre pour batter jusqu'à coucher du soleil.

Perna aucaine Dua pour faire après avoir batte Grand Jamaraat. Rasulullah S.A.W pas ti faire Dua quand li ti batte Grand Jamaraat.

Façon Sunnat pour batte Shaitaan

1. Li Sunnat pour nous en etat de Wouzou
2. Batte avec la main droite
3. Trappe roche avec l'index et pouce
4. Leve la main la haut quand batter
5. Lire Allahu Akbar quand batter
6. Vine prés avec Jamaraat quand batter
7. Deboute dans ene façon ki Mina lor nous coté droite et Makkah lor nous coté gauche quand batter

Après batte Shaitaan, nous faire Qurbani.

Après Qurbani, nous faire Halaq (raze la tête).

Li Sunnat pour bannes missié raze zotte la tête et bannes madames faire Qasar, veut dire, zotte coupe zotte cheveux longueur ene doight.

Note: Nous faire ressortir ici ki nous bizin assurer ki nous Qurbani fine fini faire, à ce moment la nous capave faire Halaq (raze la tête) parceki d'après Imam Abu Hanifa R, li Waajib pour faire sa 3 kitchoses la en l'ordre (Batte Shaitaan, faire Qurbani ensuite faire Halaq)

Quand nous fini faire Halaq, nous capave retire nous Ihraam et nous mette nous linge normale. Aster la, tous kitchoses ki ti interdit en etat de Ihraam pour vine Halaal excepté **pas pour gagne droit alle dans menage** tanque ki pas fini faire Tawaafe Ziyaarat.

Ensuite nous faire Tawaaf-e-Ziyaarah (Tawaaf-e-Ifaadhah) Tawaaf-e-Ziyaarah c'est ene action ki Faraz (obligatoire) dans Hajj.

Nous capave faire Tawaaf-e-Ziyaarah soi le 10eme Zil Hijjah, le 11eme Zil Hijjah ou soi le 12eme Zil Hijjah jusqu'à soleil coucher.

Tawaaf-e-Ziyaarah li suivi par faire Sa'ee entre Safa et Marwah.

Quand nous fini faire Tawaaf-e-Ziyaarah et Sa'ee, nous retourne dans Mina pour nous passe la nuit labas.

4eme et 5eme jours de Hajj, 11eme et 12eme Zil Hijjah

Li Sunnat Muakkadah pour passe la nuit de 11eme et 12eme Zil Hijjah dans Mina.

Action ki Waajib pour faire sa 2 jours la c'est pour batte tous les 3 Jamaraat (Petit avec 7 roches, Moyen avec 7 roches et Grand Jamaraat avec 7 roches, 4eme jour et 5eme jour)

Li Waajib pour batte tous les 3 Jamaraat après Zawaal. Ena concensus parmi tous les 4 imaam ki le 11 et le 12 Zil Hijjah, bizin batte tous les 3 Jamaraat (Petit, Moyen et Grand Jamaraat) après Zawaal et non pas avant.

Li Sunnat pour faire Dua quand fini batte 1er Jamaraat (Petit) et 2eme Jamaraat (Moyen). Nous avance ene coté, nous faire face avec Qibla et nous demande Dua.

Quand fini batte 3eme Jamaraat (Grand), retourne dans nous la tente sans faire dua.

Quand fini batte tous les 3 Jamaraat le 5eme jour de Hajj, c'est à dire le 12eme Zil Hijjah, nous capave retourne Makkah et nous Hajj fine completer.

Faire Tawaaf e Widah avant ki nous quitte Makkah.

Note: Nous bizin toujours prend en consideration ki apart batte Shaitaan pendant ki nous dans la tente dans Mina, nous bizin reste engager dans faire Ibaadat, faire maximum Namaz Nafil, Tilaawatul Quran, Zikrullah Dua etc

Note : Pendant sa 5 jours Hajj la, nous pour faire Namaz Zohr, Assar et Esha 2 Rakaat si nous Mousafir et 4 Rakaat si nous Mouqem.

FACON RECOMANDER POUR PASSE NOUS LE TEMPS PENDANT NOUS SEJOUR DANS MAKKAH ET MADINA.

1. Faire nous 5 fois Namaz avec Jamaat dans Haram. (Makkah et Madinah)
2. Leve très tot le matin, alle dans Haram pour Tahajjud. (Makkah et Madinah)
3. Si possible, faire ene Tawaaf Nafil avant commence Tahajjud. (Makkah)
4. Après Tahajjud, demande Dua, faire Tilaawat ul Quran etc... juska Fajr. (Makkah et Madinah)
5. Après Fajr, faire Zikrullah, Tasbeehaat etc... juska Ishraaq. (Makkah et Madinah)
6. Faire Ishraaq, ensuite capave retourne l’hotel pour nashta. (Makkah et Madinah)
7. Reposer impé soi après nashta ou après Zohr. (Makkah et Madinah)
Note : Li Sunnat pour reposer après Zohr.
8. Après Assar, reste dans Haram meme, faire Tilaawat ul Quran, Zikrullah, Tasbeehaat etc... juska Maghrib. (Makkah et Madinah)
9. Si possible, faire ene Tawaaf Nafil après Maghrib ou après Esha. (Makkah)
Note : Faire maximum Tawaaf Nafil possible pendant nous sejour dans Makkah car sa meme Ibaadat plis recomander pour faire quand nous dans Makkah.
Note : Nous capave faire Tawaaf Nafil pour nous meme, pour ban dimounes ki encore vivant et pour ban kin fini quitte Dunya aussi.

10. Tous les jours, dans une l'heure plus approprié pour nous, aller cote Rowza Mubarak de Rasulullah S.A.W pour faire Salaam. (Madinah)
Note : Nous pouvons faire Salaam pour nous et de la part de ban les zot dimoune aussi.
11. Après Fajr ou après Assar, faire Ziyaarat de Jannat ul Baqi. (Madinah) (**Bannes Missié seulement**)
12. Donne Sadaqah à ban pauvres, d'après nous capacité. (Makkah et Madinah)
13. Profite le maximum dans Ibaadat car perna aucune garanti ki nous pour re aller encore.

SALAAM A RASULULLAH S.A.W

Nous deboute en face de Rowza Mubarak de Rasulallah S.A.W avec humilité, respect et regard baisser et nous faire Salaam Rasulallah S.A.W comme suite:

SALAAM TO RASULULLAH (S.A.W.)

الصَّلَاةُ وَالسَّلَامُ عَلَيْكَ يَا رَسُولَ اللَّهِ
الصَّلَاةُ وَالسَّلَامُ عَلَيْكَ يَا حَبِيبَ اللَّهِ
الصَّلَاةُ وَالسَّلَامُ عَلَيْكَ يَا خَيْرَ خَلْقِ اللَّهِ
الصَّلَاةُ وَالسَّلَامُ عَلَيْكَ أَيُّهَا النَّبِيُّ
وَرَحْمَةُ اللَّهِ وَبَرَكَاتُهُ
يَا رَسُولَ اللَّهِ إِنِّي أَشْهَدُ أَنْ لَا
إِلَهَ إِلَّا اللَّهُ وَحْدَهُ لَا شَرِيكَ لَهُ
وَأَشْهَدُ أَنَّكَ عَبْدُهُ وَرَسُولُهُ
وَأَشْهَدُ أَنَّكَ بَلَّغْتَ الرِّسَالَهَ
وَأَدَّيْتَ الْأَمَانَةَ وَنَصَحْتَ الْأُمَّةَ
فَجَزَاكَ اللَّهُ خَيْرًا
جَزَاكَ اللَّهُ عَنَّا أَفْضَلَ مَا جَازَى
نَبِيًّا عَن أُمَّتِهِ

SALAAM A HAZRAT ABU BAKR R.A

SALAAM TO ABU BAKR (R.A.)

السَّلَامُ عَلَيْكَ يَا خَلِيفَةَ
رَسُولِ اللَّهِ السَّلَامُ عَلَيْكَ
يَا صَاحِبَ رَسُولِ اللَّهِ فِي الْغَارِ
أَبَا بَكْرٍ الْهَدِيْقَ، جَزَاكَ
اللَّهُ عَنْ أُمَّةٍ مُحَمَّدٍ خَيْرًا

SALAAM A HAZRAT UMAR R.A

SALAAM TO UMAR (R.A.)

السَّلَامُ عَلَيْكَ يَا أَمِيرَ الْمُؤْمِنِينَ
السَّلَامُ عَلَيْكَ يَا عِزَّ الْإِسْلَامِ
وَالْمُسْلِمِينَ عُمَرُ بْنُ الْخَطَّابِ
الْفَارُوقَ جَزَاكَ اللَّهُ عَنْ
أُمَّةٍ مُحَمَّدٍ خَيْرًا